

պաշտպանւի թիւրքերի արշաւից և որ, պարտութեան դէպքում, բոլլեիկները պէտք է այրեն հանքերն ու հեռանան*):

Բագւի Աղգ. խորհրդի հիմնական նպատակներից մէկն էլ հայ-թրքական յարաբերութիւնների բարւոքումն էր: Ճակատից փախչող ռուս զօրամասերի ու ռուս զաղթականների վրա դործւած յարձակումներին զուգընթաց՝ թուրքերը ասպատակում ու աւերում էին և հայկական շրջանները, թալանում, կոտորում ու գերում հայերին: Դեկտեմբերին աւերի ու աւարի մատնեցին մի շարք հայաբնակ գիւղեր Նուխիի ու Շամախիի գաւառներում: Յունւ. 2-ին սպանեցին Գանձակի թրքական մասից անցնող 14 հայեր: Ընդհարումներ տեղի ունեցան և ուրիշ վայրերում: Շատ շրջաններում ճանապարհները փակեցին, և հայերը գրկեցին շարժելու հնարաւորութիւնից: Օղը օրէցօր ելեկտրականանում էր:

Աղգ. խորհուրդը, մի շարք խորհրդակցութիւններից յետոյ, որոշեց բանակցութիւնների մէջ մտնել Մահմետական Աղգ. խորհրդի հետ: Այդ նպատակով ընտրեց 6 հոգիների յանձնախումբ — Յ. Քաջազնունի, Ա. Զիլինգարեան, Հ. Տէր-Միքայէլեան, Ս. Տէր-Ղաղարեան, Լ. Աթաբէգեան և Տ. Իսախանեան — և յանձնարարեց սկսել բանակցութիւնները:

Յունւ. 15-ին գումարւեց Հայ և Մահմ. Աղգ. խորհուրդների ներկայացուցիչների խորհրդակցական առաջին նիստը: Թուրքերի կողմից մասնակցում էին Մահմ. Աղգ. խորհրդի նախագահ Ալի Մարդան բէգ Թոփչիբաշեւը, Մահմետ Հասան Գալլինսկին, Բեհրուժ խան Զիւանչիրը, Իբրահիմ բէգ Հայդարովը, Ա.Ի.Վեդերովը և Բ.Ա.Բաբայեւը: Մի շարք նիստերում քննութեան առնւեցին հետևեալ խնդիրները. ընդհանուր՝ 1) Վերաբերում դէպի ռուս կառավարութիւնը, 2) Անդրկովկասի ապագայ քաղաքական կազմը, 3) Ռազմաճակատի հարցը և պատերազմը վերջացնելու միջոցները, 4) Կովկասի վարչական բաժանումը: Տեղական՝ 1) Բագւի իշխանութեան կազմակերպումը, 2) Երկաթուղու և միւս ճանապարհների բացումը, 3) Գաւառների անիշխանութիւնը: Եւ այլն:

*) Առաջ բերեմք այստեղ այդ ուշագրաւ գրութեան էական մասերը: Նամակը գրւած է Յարիցիմից, օգ. 8-ին և ուղղւած է Շահումեանին: Ստալինը գրում էր. «... Մեր ընդհանուր քաղաքականութիւնը Անդրկովկասի խնդրում այն է, որ ստիպենք դերմանացիներին պաշտօնապէս ճանաչել, որ վրացական, հայկական և ադրբէյջանեան հարցերը Ռուսաստանի համար ներքին հարցեր են, որոնց լուծմանը դերմանացիները չպէտք է մասնակցեն: Հէնց այդ պատճառով մենք չենք ճանաչում Վրաստանի անկախութիւնը, որ ճանաչւած է դերմանացիների կողմից:

2. Հնարաւոր է, որ մենք ստիպենք զիջելու դերմանացիներին Վրաստանի հարցում, բայց այդ զիջումը կանենք միայն այն պայմանով, որ Գերմանիան չխառնուի Հայաստանի և Ադրբէյջանի գործերին:

4. Զեր յաջողութիւնները ուրախացնում են մեզ, բայց մենք կը կամենայինք, որ, դերմանացիների հետ բարդութիւններ ունենալուց խուսափելու համար, դուք Գանձակից աւելի հեռու չընաք, այսինքն՝ չմտնէք Վրաստանի սահմանները, որի անկախութիւնը պաշտօնապէս ճանաչւած է Գերմանիայի կողմից»:

Եւ աւելի ոյժ տալու համար իր խօսքերին, Ստալինը աւելացնում է. «Այս ամբողջ ասածը ընդունեցէ՛ք ո՛չ իբրեւ իմ անձնական կարծիք, այլ որպէս առաջարկ Լենինից, որի հետ երէկ խօսեցի ուղիղ հեռադրաթիւով բոլոր ջօշափւած հարցերի մասին: (С. Шаумян, «Статьи и речи», 1924, Баку, стр. 224—5):